



Saopštenje za medije

Evropska unija finansirala obnovu Odjela dječje hirurgije u Kantonalnoj bolnici „Dr. Irfan Ljubijankić“ u Bihaću

(Bihać, 02. 02. 2024.) Šef Delegacije Evropske unije i specijalni predstavnik Johann Sattler i direktor Kantonalne bolnice "Dr. Irfan Ljubijankić" dr. Hajrudin Havić danas su svečano otvorili Odjel dječje hirurgije, renoviran sredstvima Evropske unije. Obnovom ovog Odjela osigurani su uslovi za unaprijeđenje usluga liječenja pedijatrijskih hirurških stanja na području Unsko-sanskog kantona i liječenje djece u savremenom bolničkom ambijentu. Zahvaljujući pomoći Evropske unije, u narednom periodu, čekanje na operaciju će biti skraćeno, smanjit će se rizik od infekcija, a zdravstvena skrb djece podići na veći nivo.

„Drago mi je vidjeti iz prve ruke obnovljeni Odjel dječje hirurgije u Kantonalnoj bolnici Bihać, te upoznati zdravstvene radnike koji svakodnevno rade na zdravstvenoj zaštiti djece. Obnovljeni Odjel imat će veliki utjecaj na liječenje djece u kantonu, a ova je obnova samo jedna u nizu infrastrukturnih zahvata na području Unsko-sanskog kantona koje finansira Evropska unija. Ponosan sam što smo u mogućnosti pružiti podršku projektima koji su važni za grad Bihać i cijeli kanton“, kazao je ambasador Sattler.

Uzevši u obzir da je Odjel dječje hirurgije 2013. godine bio zahvaćen požarom u bolnici, a proteklih godina, tokom obnove, selio se čak šest puta unutar odjela koji nisu prilagođeni potrebama djece, ovaj projekat posebno je značajan. Radi se o najvećoj zdravstvenoj ustanovi na području USK koja pruža sekundarnu i dio tercijarne zdravstvene zaštite stanovnicima na području kantona. Pored finansijske podrške Evropske unije koja je izdvojila preko 200.000 KM bespovratnih sredstava, radove su sufinansirali i Ministarstvo zdravstva, rada i socijalne politike USK i Kantonalna Bolnica „Dr. Irfan Ljubijankić“, što ukazuje koliki je značaj ovog projekta.

„Hvala Evropskoj uniji na kontinuiranoj podršci zahvaljujući kojoj je prije devet mjeseci uspješno realizirana i nabavka cistoskopa na odjelu dječje hirurgije kojim se osigurala dostupnost i pružanje tretmana najmlađih pacijenata u našoj ustanovi, a danas uz finansijsku potporu EU i Vlade USK-a otvaramo rekonstruirane i adaptirane prostorije u navedenom odjelu. Poboljšanje uvjeta za liječenje i boravak naših najmlađih sugrađana naš su prioritet u budućem radu i razvoju“, rekao je direktor Kantonalne bolnice „Dr. Irfan Ljubijankić“ dr. Hajrudin Havić.

Prisutnima se obratio i pomoćnik ministra za javno zdravlje u Federalnom ministarstvu zdravstva, dr. Goran Čerkez:

„Obnova Dječje hirurgije Kantonalne bolnice Bihać još je jedan doprinos razvoju zdravstvenog sistema Federacije Bosne i Hercegovine. Posebno je važno što se radi o dječjoj hirurgiji, odnosno dječjem odjelu, imajući u vidu da ulaganje u djecu nije samo ulaganje u sadašnjost nego investicija i za budućnost i ekonomski razvoj Bosne i Hercegovine. Ovim



Finansira
Evropska unija



projektom omogućava se dostupnost zdravstvenim uslugama, imajući u vidu udaljenost Bihaća od drugih zdravstvenih centara. Posebnu zahvalnost izražavam Međunarodnoj organizaciji za migracije, kao nisiocu projekta, Ministarstvu zdravstva Unsko-sanskog kantona kao i Evropskoj uniji koja je pružila finansijsku podršku. Iz tog razloga nam ovaj projekt govori o važnosti procesa pridruživanja Evropskoj uniji“, rekao je dr. Čerkez.

Događaju su prisustvovali i Mr.sc. Damir dr. Čirić, spec. Dječije hirurgije i šef Odsjeka dječije hirurgije te Laura Lungarotti, šefica misije IOM-a u BiH i koordinatorica za Zapadni Balkan.

„IOM je s ponosom pružio podršku u procesu rekonstrukcije. Ovo je dio širih nastojanja da se pomognu i zajednice u kojima borave migranti. Kroz partnerstvo s EU-om, IOM je uspio pružiti potporu ključnim projektima kao što su; rekonstrukcije puteva, uređenje škola i poboljšanje zdravstvene skrbi, uključujući nabavku i novog vozila hitne pomoći, te potrebne medicinske opreme; a sada i obnovu odjela dječje hirurgije. S obzirom da uuntar migrantske populacije ima i značajan broj djece, ovaj obnovljeni prostor koristit će kakonajmlađim migrantima, tako i građanima Bihaća i kantona“, kazala je Laura Lungarotti, šefica Misije IOM-a u Bosni i Hercegovini i koordinatorica za Zapadni Balkan.

Obnova Odjela dječije hirurgije u Kantonalnoj bolnici jedna je od brojnih infrastrukturnih intervencija na području Unsko-sanskog kantona koje finansira Evropska unija, a implementira IOM. Cilj podrške je pomoći lokalnim zajednicama u jačanju društvene povezanosti između lokalnog stanovništva i migrantske populacije.

Za više informacija, molimo da kontaktirate:

Edita Selimbegović,
IOM Odjel za informisanje,
eselimbegovic@iom.int